

# Presentacion di 'Nieuwe Pennenvruchten van Simson'

ORANJESTAD - Diadomingo 1 di November venidero e buki Nieuwe Pennenvruchten van Simson lo wordo presenta den Fort Zoutman na Oranjestad, Aruba.

E buki a wordo skirbi dor di artista polifacetico Waldy Simson. Nieuwe pennenvruchten van Simson, entre otro, ta existi di un descripcion di e encuentro cu e artista tabatin cu Nelson Mandela na Sur Africa, e

poema Hoop (Speransa) cu a wordo dedica na Nelson Mandela, e di dos parti di e storia artistico di Simson, poemanan, canticanan, potretnan di obranan artistico y un vocabulario Surnames – Hulandes.

E maestro di ceremonia di e anochi lo ta Lenny Denz. Olga Buckley lo recita poemanan y Coral Choir bou di guia di Catherine Provence) lo canta musica for di Nieuwe pennenvruchten van Simson.

Tambe lo pasa un presentacion di video a base di potretnan cu Simson a saca na Sur Africa. E presentacion di video a wordo produci dor di Ryan Oduber y Germille Geerman.

E prome copianan firma di e buki lo wordo ricibi dor di musico Rufo Odor, John Hessen y Astrid Britten di Biblioteca Nacional Aruba. E presentacion di Nieuwe Pennenvruchten van Simson lo cuminsa band'i 7'or pm.

